

**NUNATTA EQQARTUUSSISUUNEQARFIANI
EQQARTUUSSUTIP
ALLASSIMAFFIATA ASSILINEQARNERA**

Ulloq 31. juli 2018 Nunatta Eqqartuussisuuneqarfianit suliami

sagl.nr. K 066/18

(Eqqartuussisoqarfik Sermersuup sagl.nr.

KS 174/2017)

Unnerluussisussaataasut

(J.nr.5505-97381-00002-14)

illuatungeralugu

Tiltalte

Inuusooq [...]

(advokat Jens Paulsen, Nuuk

j.nr.

oqaatigineqarpoq imaattoq

E Q Q A R T U U S S U T :

Eqqartuussisoqarfiup eqqartuussutaa

Eqqartuussisoqarfik Sermersooq siullermeeraluni suliarinnittutut 26. oktober 2017 eqqartuussivoq. Eqqartuussummi unnerluutigineqartoq unnerluusaaq, pinerluttulerinermi inatsimmi § 85, stk. 1-imik - pornografiimik meeqqanut tunngasumik pisuni marlunni siaruarteri-simaneq kiisalu 85, stk. 2-mik - meeqqat pillugit tiingasulersaarutininik pisuni marlunni pigisaqarpoq- unioqqutitsisimasutut pisuutinneqarpoq.

Unnerluutigineqartoq qaammatini arfinilinni pinerlussimasunut inissiisarfirmiittussanngorlugu eqqartuussaavoq.

Suliareqqitassanngortitsineq

Eqqartuussut maanna unnerluussisussaataasumit nunatta eqqartuussisuuneqarfianut suliareqqitassanngortinneqarppoq. Suliassaq uppersaasiinertalimmik suliareqqitassatut nunatta eqqartuussisuuneqarfiata suliarisimavaa.

Piumasaqaatit

Unnerluussisussaataasup piumasarisimavaa, unnerluussissut sukannernerulersitsinerlu eqqartuussisoqarfimmut saqqummiunneqartut malillugit eqqartuussuteqartoqassasoq.

Unnerluutigineqartumi 1-imi (assit 1.054-t, tamanut ammasuunngitsut) aamma unnerluutigineqartumi 3-mi (assit marloriaatinngortitat 34.002-it) ilaannakuusumik pinngitsuutinneqarnissani kiisalu unnerluutigineqartuni 2-mi 4-milu pinngitsuutinneqarnissani, tamannalu ajornarpat taarsiullugu sakkukillisaavigineqarnissani, **uunnerluussap** piumasarisimavaa.

Eqqartuusseqataasut

Suliaq eqqartuusseqataasut peqatigalugit suliarineqarpoq.

Piffissaq suliap suliarineqarneranut atorneqartoq

Suliaq 25. april 2018 nunatta eqqartuussisuuneqarfianit tiguneqarpoq.

Suliassap saqqummiunneqarneranut ilassut

Ilanngussaq A-3-1-imi, 28. februar 2014-imeersumi takuneqarsinnaavoq, Apple MacBook Pro 17 tommer-imi, iluarsaassanngorlugu tunniunneqarsimasumi meeqqat pillugit tiingasulersaarutiniq nassaarsimaneq Københavns Vestegns Politi-nut nalunaarutigineqarsimasoq.

Ilanngussaq A-1-1-imi, 26. august 2014-meersumi takuneqarsinnaavoq, meeqqat pillugit tiingasulersaarutit Sermersuumi politiinut nalunaarutigineqarsimasut.

Ilanngussaq A-2-1, 26-mi, 16. januar 2015-meersumi takuneqarsinnaavoq program aMule aqutigalugu fil-nik siaruarerisimaneq Sermersuumi politiinut nalunaarutigineqarsimasoq.

Unnerluutigineqartut 3 aamma 4 pillugit ima inerniliisimaneq takuneqarsinnaavoq, ilanngussaq F-3-1, 10. juni 2015-imeersaq, IT teknikkimit nalunaarut:

”Suliassami pigineqartunik misissuinermi assit pinerluttulerinermi inatsimmi § 85-imut tunngasut, katillugit 68.395-it nassaarineqarput. Assit tigummisani 1-imi, 2-mi 11-milu nassaassaapput. Tigummisat nalunaarsuutitut ataasiakkaanut ima agguataarneqarput:

Nalunaarsuut	1	2	3	Katillugit
Tigummisat 1	29.951	3.896	154	34.001
Tigummisat 2	29.952	3.896	154	34.001

Tigummisat 11	136	252	5	393
Tamakkerlugit	60.038	8.044	313	68.395

Piffissap 20/10/13-ip 11/01/15-illu iluani assit pilersinneqarsimapput imaluunniit pilersitat ilaneqartarsimallutik.

Tigummisani 1-imi 2-milu assit assigiipput, taavalu tigummisat 2-miittut tigummisanut 1-imiittunut nuutsitatut sillimmatitut atorneqarneqarsorineqarlutik.

Tigummisani 11-miittuni assit 391-it piiarneqarsimapput, misissuinermilu pilersinneqaqqissimallutik.

Tigummisani misissorneqartuni filmit tulleriaat katillugit 3.200-it, pinerluttulerinermi inatsimmi § 85-imut tunngasut, nassaarineqarput.

Pigisani 1, 2, 3, 4, 6, 9, 11 aamma 13B-mi filmit tulleriaat ipput. Filmit tulleriaat tigummisanut ataasiakkaanut ima nalunaarsorlugit agguataarneqarsimapput:

Nalunaarsuut	1	2	3	Tamakkerlugit
Tigummisat 1	495	1.060	46	1.601
Tigummisat 2	494	1.045	46	1.585
Tigummisat 3	0	1	0	1
Tigummisat 4	0	2	0	2
Tigummisat 6	2	2	1	5
Tigummisat 9	1	0	0	1
Tigummisat 11	0	2	2	4
Tigummisat 13B	1	0	0	1
Tamakkerlugit	993	2.112	95	3.200

Piffissap 01/11/09-p 11/01/15-illu iluani filmit tulleriaat pilersinneqarsimapput imaluunniit pilersitat ilaneqartarsimallutik.

Filmit tulleriaat tigummisani 2-miittut tamarmik aamma tigummisani 1-miipput.

Tigummisami arfinilinni filmit tulleriaat computer-imi program-miinngitsuniittut pilerseqqinneqarput.

Filmit tulleriaat marluk tigummisami 11-miittut piiarneqarsimasuupput, taakku misissuinermi pilerseqqinneqarput.”

Unnerluutigineqartut 1 aamma 2 pillugit ima inerniliisimaneq takuneqarsinnaavoq, ilanngus-saq F-4-2, 1. august 2014-meersoq, IT teknikkimit nalunaarut:

”Qarasaasiami toqqortani takuneqartartuni assit 1.000-it, pinerluttulerinermi inatsimmi § 85-imut tunngasut qarasaasiamillu atuisumit imaaliallaannaq takuneqarsinnaasut, nassaarineqarput.

Computer-imi program-miinngitsut assit katillugit 1.054-it, pinerluttulerinermi inatsimmi § 85-imut tunngasut, pilerseqqinneqarput. Assit taakku qarasaasiami misissorneqartumi siusinnerusukkut toqqortarineqarsimagaluarpud.

Assit nassaarineqartut ima agguataarneqarsimapput:

Nalunaarsuut	1	2	3	Tamakkerlugit
Assit (tamanut ammasut)	451	467	82	1.000
Assit piarneqarsimasut	831	223	0	1.054
Tamakkerlugit	1.282	690	82	2.054

Filmini suli atorneqartuni filmit tullerriaat 17-it, pinerluttulerinermi inatsimmi § 85-imut tunngasut, nassaarineqarput. Filmit tullerriaat ima agguataarneqarsimapput:

Nalunaarsuut	1	2	3	Tamakkerlugit
Amerlassusii	2	15	0	17

Fil-inik agguaat qarasaasiakkt programmi "aMule" ikkunneqarsinavoq. Programmip logfil-iani takuneqarsinnaavoq, programmi taanna atorlugu, fil-it 59-it, pinerluttulerinermi inatsimmi § 85-imut tunngasunik, aaneqarsimasut. Fil-it aaneqarsimasut ima agguataarneqarsimapput:

Nalunaarsuut	1	2	3	Tamakkerlugit
Assit	2	0	0	2
Filmit tullerriaat	10	46	1	57

Fil-it 59-iusut katillugit 9.305,95 MB-mik annertussuseqarput.

Fil-i ataaseq pinnagu, fil-ini qarasaasiami misissorneqartumi fil-it sinneri pigineqarunnaarsimapput.

Program-imip logfil-iani misissorneqartumi takuneqarsinnaavoq, fil-inik inatitsinik unioqutitsilluni siaruarternierit (Upload) katillugit 1.322,61 MB-mik annertussusillit, atuisut allat ataatsimoorfiannut siaruarterneqartarsimasut.

Logfil-imi takuneqarsinnaavoq, fil-it ulloq 07/09/13, nal. 22:31:13 (UTC) aamma 15/12/13, kl. 05:49:32 (UTC) kingullermik ("Last Written" dato) alakkarneqarsimasut. Fil-it imaluunniit siaruartikkat taakku ilaat piffissami tassani minnerpaamik siaruarterneqarsimapput imaluunniit atuisut ataatsimoorfianni atuisunut allanut atugassanngortinneqarsimallutik."

Inuttut atukkat

Inummik misissuinnermit 16. august 2017-imeersumit takuneqarsinaavoq, unnerluutigineqartoq inuiaqatigiinnik kiffartuussisussanngortitaanissaminut piukkunnanngitsuusoq.

Inummik misissuinerup assigiinngitsunik amigaateqarnera unnerluutigineqartup uparuarpaallassutitullu oqaatigalugu, 1970-imi anigugassarinnngisaminik malariarnini paasineqarsimasoq. 2002-mi illup qalianit nakkarpoq qaratsamigullu aanaarluni. Eqqortumik nakorsarneqanngilaq nalinginnaasunillu nerisarluni, tamatuma kingorna napparujussuarpoq qaammatinilu arfinilinni napparsimalluni. Malariamik nappaateqarnikkut tinguk tartullu aserorneqartarput, taamaattumik isumaqarpoq nalinginnaasumik nerisassat akuutissai timip iliuseqarfigissallugit sapertarai. Kingullermik [...] 2018 napparsimmavimmi uninngavoq,

taamani talini niunilu talerpik nukillaarsimasut iternermi kingorna. Minutsit 45-t qaangium-mata tamarmik nukineqqipput. Tutsarluttuuvoq siummigullu talerpikkut tusilarluni. Qitorna-qanngilaq.

Naak assani tumartitersimagaluartut, sanasutut ilinniarsimavoq, [...]. 63-inik ukioqalerami soraarninngorpoq, ikinngutiminilli kiffartuussisartutut sulisarluni.

Malaria oqimaatsulerinikkut taamaattumillu timip kissarnerata qaffanneratigut nangittarpoq. [...] sanagamikku ajortippoq ilisimajunnaarlunilu. Sanamiilluni iterpoq. Soorlu ullaq manna iluaalliorsimasoq, immaqa ajortinnialerpoq. Ajortinnialeraangami malussartarpoq, taamaaligaangami nallartarpoq aammullu imerpalasaatinik nakorsaaitortarluni. Ajortikkaangami nalunaaquttap akunnialui taamaattarpoq. Iluualliulaaraangami uppeqqaasunngortarpoq.

Nakorsiartunut nalunaarsuiffimmi, [...] 2018 Sanami uninnganeraneersumi ilaatigut ima allassimasoqarpoq:

” Aanaveersaatit ilaannik sapigalittut ilisimaneqarpoq. Ukiut tallimat matuma siorna malariamut nakorsaatinik nakorsarneqarnera unippoq. Malariaqartoq paasineqarmalli ullut 14-ikkaarneri missiliorlugit minutsinik 15-inik sivisussusilinni, avatimi ilaat ataaseq arlallilluunniit tassanngaannartumik atorsinnaajunnaartarpai, tamatigut avatit ilaat taama eqqorneqartoq taanaajuaannangilaq, noqartanngilaq, ilisimajunnaartanngilaq. Ukiuni kingullerni tallimani sulereernerup kingorna ataasiaannarluni, maannakkut uninnganera eqqaassanngikkaanni, taamaalisimavoq. Unnerluutigineqartoq talimigut nissumigullu talerpikkut nukeqarani itersimavoq, taamaanneralu minutsinik 15-inik sivisussuseqarluni, taava talia kakillalaarpoq minutsillu 30-t kingorna atorluarsinnaanngooqilluni. Talini/niuni nanernagit sinippoq. Taamaannernanut malaria peqqaasinnaanngilaq, nakorsiartorlu anigugassarinnngisaminik malariaqanngilaq.”

Nassuiaatit

Unnerluutigineqartoq [...] nunatta eqqartuussisuuneqarfianut ilassutitut nassuaasimavoq aammalu ilisimannittoq ilisimanninnoq 1 nutaamik nassuiaasimalluni.

Unnerluussaq ilassutigut nassuiaavoq, unnerluutigineqartoq 1 aamma 3 (ilaatigut) nasserutigisimallugit, tassami unnerluutigineqartumi 3-mi assit affaat sillimmatitut kopiiupput. Sillimmatinik kopeeruaannartarsimavoq, tassami qarasaasiaa taamaaliortussanngorlugu aaqqitaagami. Tamanna nammineq ingerlavoq. Toortakkanik toorsinerit tamarmik toqqorneqartarpoq. Kopiit taakku ammarsimannngilai.

Assinik filminillu allanut agguaassisarnini ilisimasimannngilaa. Agguaassisooqarnerisooq pisuni tamani takuneqartuaannarsinnaanngilaq. Qarasaasiaq unnuakkut allaat sulisarsimavoq, naak isiginngikkaluaraani. Filmimik aallerniaraangami allerneq ulloq unnuarlu tamaat

atorneqarsinnaasarpoq. Eqqaamanngilaa qanga atortussanik taakkuninnga aallertarsimanerluni. 2003-iugunartoq aallartippoq. Qarasaasiamilli misissuisut tamanna takusinnaassavaat, imaassinnaammat eqqaamanerlukkkaa. Sivikigineqarsinnaasumik taamaaliortarsimavoq, tassami paasivaa tamakku soqutigisarinagit. Qarasaasiamik atuivallaarsimanngilaq. Siusinnerusukkut kemikaliat atorlugi assinik ersersaasarsimavoq, namminerli ersersaasarnini ajornakusoorpallaaqimmat, qarasaasiaq atortalersimavaa. Kemikalialli atorlugit suliat pitsaanerupput.

Eqqartuussivimmi paasivaa qarasaasiakkut aalleraanni ilutigisaannik aamma siaruarterineq pisartoq. Qarasaasiaq atuleramiuk toortakkamillu tuugaqaraangat, taava programmi nammineerluni fil-inik siaruarterisarpoq. Oqaatsinik ujarlernermi atorneqartartunik takusaqanngilaq taakkulu siornatigut atortarsimagaluarunigit, siusinnerusukkullu oqaatsit taakku atorlugit ujarlertarsimagaluarni siunnersuutinik tigusaqartarsimassagaluarpoq. Soorlu U-tube-imi, siusinnerusukku ujarlernermi atortunut aaneqarsimasunut assingusunik neqerooruteqartartartoq. Qarasaasiaq suli pissarsiarinngikkaa programmi atorneqareersimavoq. Qarasaasiamiitut nammineq saqqummersissimanerlugit naluaa.

Oqaatsit suut atorlugit ujarlersimanerluni unnerluutigineqartup eqqaamanngilaa. Tamanut tunngasunik ujarlertoqartarpoq. Soorlu ”inuusuttoq” atorlugu ujarlersinnaavoq. Programmili ammaqqaarmagu siunnersuutit tassaneereerput. Siunnersuut tooraanni, taava qarasaasiaq ujarlernermini qamikkallartarpoq. Aallernerup qanoq sivisutiginiissaa qarasaasiap nalunaarutigisarpaa. Fil-it inikillisarlugit toqqukkat takkuttarput, taamaaliornikkut aasassat assigiin-ngitsut arlallit ataatsikkut takkuttarlutik. Sukumiisuunngitsunik qinigassartalinnik takkuttoqartarpoq, qulequttallu taakku malillugit noqqaasoqarsinnaalluni. Soorlu taakkununga naleqqiullugu talittarfiup assinga erseqqilluinnartoq akigisimavaa, taassumalu nassiunnera sapaatip akunnerata naaneranik tamarmik sivisussuseqarpoq.

Naqinnerit kisitsisillu pingasut-sisamat takkuttarput, taakkulu aatinnagit suuneri nalunartarlutik. Takkuttoq ataaseq asserpassuarnik imaqartarpoq. Assit meeqqat pillugit tiingasuler-saarutinik pinngortitallu assinginik imallit saqqummerput, kisianni assinik nalinginnaasunik pornografiimut tunngasunik peqarani.

Qanoq peqqarniitsiginerinik aperineqarami, unnerluutigineqartoq nassuiaavoq, assit naallitsitsinertaqanngitsuusut, assilli filimillu ataatsimut pooqqasinnaasarmata, sunik pissarsinerluni nalusarsimavaa.

Fil-it ”puuiartarpai” ammartarlugillu. Tamanna pereeraangat imarisai pissarsiarineqarsinnaasarput, ilai qimerluualaartarpai. Arlaannaalluunniit nuunngilai, tamatigulli sillimatissanik kopeerisarpoq, tassami qarasaasiaq taamaaliortussanngorlugu aaqqitaavoq.

Sillimmatissat kopiit harddiskimiiginnarpoq, USB-mik qarasaasiamut attaveqarluni. Harddiski ulikkaaraangat, nutaamik ikkussisarpoq.

Unnerluutigineqartup allanik avitseqateqartarnerluni eqqartuussivimmukanngikkallarami nalusimavaa. Allanik avitseqateqartanninnissani qulakkeerniarlugu iliuuseqarsimannngilaq. Takusassat suminngaanneernersut unnerluutigineqartup nalulluinnarpaa. Ilarpassui Europa kangianeersoorpasipput. Pinngortitaq illullu aallaavigalugit eqqarsaannarpoq Bulgariameersuussasut imaluunniit Tjekkoslovakiameersuullutik. Programmit aamma Rusland-imeersuusinnaapput. Programmit allat misilissimannngilai, oqarsinnaavoq soqutigivallaarnagit. Programmit allat atorsimannngilai, assinik tuniniaagaangami taakku paasiuminaallisartarsimavai.

Saqqumiivigineqarpoq: Ilangussaq C-1-2, qupp. 3, titarnertaat sisamaat, unnerluutigineqartoq politiinut ima nassuaasimanerarneqarpoq: ”Ullut ilaanni killisiugaq ”aMule”-mik nassinneqariataarpoq, taannalu killisiukkap atortarpaa, kingusinnerusukkulli progammi alla killisiukkap atortalerpaa, taannami ato-raanni fil-it suut siaruarneqassanersut inuup nammineq aalajangersinnaammagu.”

Tamatumunnga unnerluutigineqartoq nassuaavoq, imaalluarsinnaasoq nutarterutit ilaat aqputigalugit siaruarterisinnaaneq peerneqarsinnaasoq. Aatsaannguaq oqarami, eqqartuussivimmi tamanna tusarsimallugu kukkusimasinnaavoq, tassami siornatigut nassaarisimasinnaagamigit. Programminik allanik atuisimannngilaq. Aammali imaalluarsinnaavoq, qanoq atorrunnaarsinneqarsinnaanerat naluinnarlugu.

Illersuisumit aperineqarami unnerluutigineqartoq nassuiaavoq, qalipagarpassuit assisiliivimik assilisimallugit. Assinik Danmarkimi nutarterititsinani, kopiilorsimavaoq. Fotoshop atorlugu assit ajoqutaanik iluarsaassineq ilikkariartortillugu taamaaliortarsimavoq. Siusinnerusukkut qalipaasiummik kemikaliat atorllugit taamaaliortarsimagaluarpoq, assanili aqussinnaariartorsimallugit. aMule-mi fil-it ataatsimut toqqortat aasaleramigit takkuttorpassuusarput, namminerli ikitsuinnarnik aallartarsimavoq.

Qanga qarasaasiaq pisiarisimanerlugu unnerluutigineqartup eqqaamanngilaa, paasiniarsinnaaluguli. Qarasaasiaq qarasaasianik takutitsinermi atorneqarsimasoq pisiarisimavaa, imaalluarsinnaavorlu taama ittumik niuertarfimmiittoqarunnaartoq.

Ilisimannittoq 1 ilisimannittutut nassuiaasimavoq, aallaqqaammut teknikkikkut misissuineq ingerlassimallugu.

Nationalt Cyber Crime Center-imi, ”Nationalt C3” ima sulisarput: Tigussaasut tamarmik nalunaarsorneqartarput nassaanullu toqqorsivimmiitinneqartarlutik. Tamakku allanit

atorneqarsinnaajunnaarlugit isumannaarneqartarput. Tamanna pisarpoq "write blocker" (allanit atuarneqarsinnaajunnaarsaat) qarasaasiamut ikkullugu, taamaalilluni qarasaasiamut misissorneqartumut allattoqarsinnaajunnaarluni/aaqqissuussisoqarsinnaajunnaarluni. Atortut tamarmik asserluinaanik assilineqartarput, "evidence fil"-imullu (takusassanut uppernarsaatissanut) katersorneqartarlutik, pigineqareersunut assingulluinnartarlutik. Immikkoortukkaarlugit tamaasa misissorneqartarput. Fil-it uppernarsaatissat qarasaasiamut, allanit sunerneqarnissamat isumannaakkamat kopeerneqartarput, taamaalillutik tassaneeriinngitsunik pinngortitsisinaanatik. Qarasaasiami paasiuminaalisaatinik immikkut ittunik, allanik asseqanngitsunik, ilisarnaatilinnik "hash"-imik taaneqartartunik peqarnerseq, programmip misissuinermit atorneqartartup, misissortarpaa. Tassa imaappoq fil-it tamaasa "hash"-imik ilisarnaateqarnerisut misissorneqartarput. Ilisarnaat "hash" tassaavoq fil-it ataasiakkaat ilisarnaataat allanik asseqanngitsoq. Naatsorsueriaaseq aallaavigalugu pilersinneqartarpoq, soorlu inussat ipaasaat allanik asseqanngitsut aamma fil-it taamatuttaaq allanik asseqartanngillat. Paasinarsarlugu fil-i kisitsisinik uiguleriiaanik DNA-littut - inuup sananeqaataanut ilisarnaatilittut - taaneqarsinnaavoq. Assit assigiinngitsut marluk assigiinnik "hash"-imik ilisarnaateqarnissaat periarfissaanngilaq. Assimi pixel ataseq peeraanni, taava ilisarnaat "hash" nutaaq pilersinneqassaaq. Taamaattumik kisitsisit ilisarnaatit ilisarineqarsinnaassapput. Ataatsimoortut programmimut ikkussimappata, harddiskit inatsisinik unioqutitsisut tamarmik namminneq ikkuttarput.

Assit nutaat qimerloorneqartarput nalunaarsuutinullu immikkoortiterneqartarlutik. Assip inatsisinik unioqutitsilluni pigineqarnera sulisut marluk isumaqatigiissutigigaangassut, katersanut inatsisinik unioqutitsinertalinnut ikineqartarput. Asserpassuit misissortarpaat, ikitsuinnaalli sumiissanersut isumaqatigiinngissutigisarlugit. Isumaqatigiinngikkaangata, assit filmilluunniit qimerlooqqitassanngortarput, taava periuseq suli taanna atorlugu misissoqqinneqartarlutik. Qarasaasiami saqqumisooq ataasiinnaq peeraanni, taava ilisarnaat "hash" nutaangortinneqassaaq.

Nalunaarsuummi 1-imiipput meeqqat 18-it inorlugit ukiullit, tamataqanngitsut, kinguaassiutitigut iliuseqarfiunngitsut kinguaassiutaali ersillutik. Nalunaarsuummi 2-miipput inuit marluk arlallilluunniit peqataaffigisaat, meeqqat tamataqaratik taavalu kinguaassiutitigut arlaatigut pisoqarfiusut, soorlu kinguaassiutitut sumilluunniit mangussinerit, utsukkut itikkulluunniit. Meeqqat arlallit imminnut attuasut. Nalunaarsuummi 3-miitut peqqarniinnerupput, meeraq peqqarniitsumik nakuuserfigineqartoq, kinguaassiutitigut innarligaasoq, peqqarniitsumik ajoqusigaasoq, toqutaanissamik siorasaarneqartoq imaluunniit uumasunik kingu-aassiutitigut iliuseqaaqateqartoq imaluunniit meeqaqqat ataatsimik pingasunilluunniit ukiullit.

AMule eMule-mik tunngaveqarpoq, Windows-imi operativsysteme-nut/styresystem-inut ikitsuinnarnut ikkussorneqarsinnaasimasoq. AMule tassaavoq "all platform-mule", Mac-imut Linux-imullu ikkussorneqarsinnaasooq, assigiinngitsunut amerlanernut atorneqarsinnaalluni. Nunarsuarmi sumiiffinni assigiinngitsuni qarasaasiarujussuit "supernoder" inissisimapput, taakkulu fil-it kia piginerai nakkutigisarivaat. Ilisimaneqanngilaq kia tamakku siaruaattarne-
 rai. Oqaatsit ujarlernerne atorneqartartut assigiinngitsuupuq. Soorlu "PTHC" tassaavoq: "pre-
 teen hardcore"-ip naalisarnera. Fil-it taaguutaasa allattorsimaffiat pineqartarpoq, taakkunanili
 assit filmillu takuneqarsinnaanatik. Oqaatsit attaveqaqatigiittartunit atorneqartartut tassaniit-
 tarput. Tunisassiortut ataasiakkaat amerlasoorpassuarnik suliaqarsimapput, soorlu
 "Hussyfan", inuup qassinik ukioqarneranut naalisaataasooq, taavalu "teen years old"-imut
 naalisaataalluni "TYO". Fil-it toqqarneqartut qarasaasianit assigiinngitsunit
 aaneqarsinnaasarput. Fil-i tamaat ataatsikkut aaneqartanngilaq, taakkuli katitigassatut ikitsuk-
 kuutaarlugit aaneqaqattaartarput, qarasaasiamullu toqqorneqarallartarlutik. Naggataatigut ka-
 titigassat ikitsukkuu-taarlugit aasimasat tamarmik tiguneqartarput, taavalu filmi tamarmi
 takuneqarsinnaalerluni. Katitigassap siulliup tiganeraniit, fil-inik siaruaassivimmu ilaasoqal-
 ereertarpoq. Fil-it immikkoortitaartut pigigaanni, siaruarterineq ingerlaannartarpoq: "Temp",
 tassaavoq immikkuualuttunut ilioraavik. Immikkuualuttut tamaasa tiguneqaraangata, toqqor-
 simavimmu "Incomming"-imut toqqorneqartarput, tassangaanniillu fil-it siaruarneqartar-
 lutik. Taamatut fil-inik imminut tunniusseqatigiittarnerup tunngaviusumik isumaa tassaavoq
 "pissagaanni aamma tunisisariaqarpoq". Programmimi aaneqarpat, pissarsisoqartarpoq, sia-
 ruaassinerup qanoq inissisimaneramik nalunaartoqartarpoq, tassunga ilaallutik sunik tunis-
 inerluni sunillu tigusaqarnerluni.

a- imaluunniit eMule-mi siaruaassisinnaaneq peerneqarsinnaanngilaq. Siaruaassisarneq arriil-
 lisinneqarsinnaavoq, taamaalioraannili nammineq aallerneq aamma arriinnerulertarpoq, pil-
 laatitut. Taassuma ilisimasai malillugit fil-inik siaruaassinerup peernissaanut iluatsitsisiman-
 ngilaq. Aali tamakku ukiorpassuarni suliarisimagaluarlugit. Allaat programminik nutarter-
 inerni takkuttoqarsimanngilaq.

Meeqqat pillugit tiingasulersaarutiniq nassaartartut qanoq pisoqarneramik internet-imik nak-
 kutiginninnermikkut nassaartarput. Iluarsaatsinneranut atatillugu nassaat misissortippai.
 AMule ikkunneqarsimasooq qarasaasiamit allamit kopiigaarpasippoq.

Ilanngussaq F-4-2, Apple Mac book-imik misissuisimaneq ilisimannittup misissorpaa. Ili-
 simannittoq nassuiaavoq, fil-it atorneqartut imaaliallaannaq nassaarineqarsinnaasut. Assit
 peerneqarsimasut imaaliallaannaq nassarineqarsinnaanngillat, siusinnerusukkulli nassaari-
 neqarsinnaasimallutik. Assit pilerseqqissinnaasimanngilaat, aMule-li pitsaasumik logfil-
 eqarmat, fil-ip taaguutaa aammalu ilisarnaataa "hash" takusinnaallugit. Nationalt C3-p "hash"
 -itut ilisarnaatigaa ED2K. Taakku aMule aamma namminneq pigisartik atortarpaat. UTC

GMT-p assigaa. "Last written" (kingullermik allagaqarsimaneq): 7. september 2013 – 15. december 2013. Piffissap tamatuma iluani fil-inik aallernissamut allat periarfissaqarsimapput. Taassuma suna aaneqarnerseq nalunaarsortarpar, taavalu aamma fil-it annertussusaat aammalu aallertoqarsimaneq takuneqarsinnaallu. Qupperneq 4-mi allassimavoq ikkussaq 30.01.14 allamut nuunneqarsimaseq. Qupperneq 8-mi nalunaarsorneqarsimavoq, 2013-imeersunik logfil-eqartoq, maskinamit allamit 2014-imi aaneqarsimagunartunik.

Kalaallit Nunaanni internet-ip arriissusaanik saqqummiivigineqarami, ilisimannittoq nassuiaavoq, qarasaasiap skærm-iata ataatungaani qanoq ingerlasoqarnera malinnaaffigiuaanneqarsinnaaseq aammalu nassiussisoqarnerseq aallertoqarnerlorluunniit takuneqarsinnaalluni.

Illersuisumit aperineqarami ilisimannittoq nassuiaavoq, aalliutigaluni nassiussisoqarsinnaaseq. Ataani takussutissakkut qummut amullu ingerlaartukkut tamanna takuneqarsinaavoq. Programmerpassuit killiffimmik takutitsisumik titarnertaqarput. Danskisut "qummut" aamma "ammut" allassimalluni.

Fil-it suusut nalunngereeramikkut, tamakkumi tamaasa siornatigut takoreersimagamikkut, takusinnaavaat unnerluutigineqartoq nutaanik nassiussaqaarsimannitseq. Atuisut assinik assigiinnik pigisaqaraangata, kina piginnittuunersaq apeqqutaasannigilaq. Marlورياatinngortitaqaraangat, taakku immikkoortillugit peerneqartarput. Marlورياatinngortitat amerlasuujunersut ilisimannittup eqqaamannigilaa, taakkumi nalinginnaasumik fil-itut immikkoortut naatsorsuunneqartannigimmata. Marlورياatinngortitanik nassaarsimasuugunik taakku ilanngunneqarsimanaviannigilat, ikitsuinnaassallutillu.

Fil-inik qulinik toqqaagaanni, taakku ikkussugassatut immikkoortuusarput, chunks-it (9 megabyte-mi ikkussugassat amerlassusii) qassiuneri, fil-it aaneqartut annertussusaannit, aalajangerneqarpoq. Ataatsimoortuni ataatsini assit qulingiluaasinnaapput qulusinnaallutilluunniit. Fil-i 27 megabyte-iuppat, ikkussugassat pingasut takkuttarput. Fil tamarmi inississimagaangat systemep nalusannigilaa. Fil-it piarneqarsimasut qanga piarneqarsinersut takuneqarsinnaannigilaq.

Fil toqqorneqaraangami, filtabel-imi nalunaarsorneqartarpoq. Qanoq annertutiginera sumilu inissisimaneq takuneqarsinnaavoq. Inissap atorneqanngikkallarnera filtabel-imi nalunaaqutserneqartarpoq. Piffissap aalajangersimasup ingerlareerneratigut fil pillugu paasisutissat filtabel-imit peerneqartarput. Qarasaasiarli atorneqarpallaartannigikkaangat, fil nasaarineqarsinnaassaaq. Matumani fil allanik qallerneqarsimannigilaq.

Nunatta eqqartuussisuuneqarfiata tunngavilersuutai inernilineralu

Pisuunermik naliliineq

Assortuussutigineqarsinnaanngitsumik teknikkikkut misissuinermi assit filmillu, kiisalu assinik fil-inillu siaruartikkanik paaasimaneq, unnerluussummi allassimasutut, uppersaatis-sartaqarpoq.

Pisuunermik eqqartuussisoqarfiup naliliinera nunatta eqqartuussisuuneqarfiata isumaqatigaa, taamaattumillu aamma unnerluutigineqartut 1-miit 4-mut unnerluussummi allaaserineqartut unnerluutigineqartoq pisuusoq. Tamatumunnga tunngavigineqarpoq, unnerluutigineqartoq qarasaasianik atuinermut piginnaaneqartuusoq, tassami soorlu assinik aqqissuussini-araangami aammalu paasiuminaallisakkanik nassiussiniaraangami, inuussutissarsiuutigalugu suliaqartartut piginnaanerisa assinginik piginnaaneqarpoq. Suliassamut matumunnga atattillugu qarasaasianik pingasunik pigisaqarpoq: stationær Mac Computer, [...], bærbar Macbook Pro, [...] aamma bærbar Macbook 17 tommer, nr. [...], kiisalu toqqorsiviit assiginningsut. Teknikkikkut misissuinerit malillugit piffissap pinerluffiusup ukiut marluk sinnerujussuarpai, ilanngussaq F-3-1 aamma F-4-2, tassami piffissami 1. november 2009-imit 11. januar 2015-imut toqqorsisarnerit allangortitserisarnerilluunniit takussaapput.

Pingaartumik unnerluutigineqartumut 1-imut tunngatillugu maluginiarneqarpoq, unnerluutigineqartup qarasaasiaq qarasaasianik takutitsinermi atorineqarsimasoq niuertarfimmiittoq internet-imullu attavilerneqarsimasoq, Nota Bene-mit pisiarisimassagaa ilimananngimmat. Aamma ilimananngilaq, qarasaasianik tunisimasaminik Nota Bene utertitsisimassasoq, taavalu styresystem-i taamaatiinnarlugu peeqqaarnagu allamillu ikkuseqqaarnani tuneqqissimassagaa. Tamatuma kingorna uppersaasineqarpoq assinik filminillu tullerriaartunik unnerluutigineqartoq pigisaqarsimasoq.

Unnerluutigineqartumut 3-mut tunngatillugu maluginiarneqarpoq, U 2005.303-mi taamatutaaq aamma Vestre Landsret-ip 8. februar 2012-mi aalajangiinerani, marloriaatinngortitat pigisat ataatsimut katinnerannut ilaatinneqartartut.

Unnerluutigineqartunut 2-mut 4-mullu tunngatillugu maluginiarneqarpoq, unnerluutigineqartoq kopiinik harddiskinut allamiittunut toqqorsigaangat, takusassat allanut tunniunneqarsinnaasartut, naak nalunaarsukkat kisitsisigut ilisarnaatit atorlugit ujarneqarsinnaanngikkaluartut. Internet-ikkut assinik filminillu unnerluutigineqartoq aallerniaraangami fildelingsprogrammi aMule atortarsimavaa. Tamatuma nassataraa, kisitsisit atorlugit atuisut allat, qarasaasiani harddisk-inilu immikkoortuni, internet-imut attavilinni, assit fil-illu toqqortat iserfigisinnaagaat, tamannalu unnerluutigineqartup ilisimanngitsoornavianngilaa imaluunniit taama pisoqariaannaanera paasisimassallugu, tassami takunnittup ilisimannittup 1-p oqarnera

malillugu aMulep ikkussornerani tamanna takuneqarsinnaammat aammalu nas-siussisoqarnera imaluunniit aallertoqarnera qarasaasiami skærmip ataatungaani takune-qarsinnaammat.

Pineqaatissiisummut apeqqut

Eqqartuussisoqarfik Sermersuup 26. oktober 2017-im aalajangiinerata atuuttussanngortinne-qarnissaa isumaqatigiissutigineqarpoq.

Suliassap isikkua, peqqarniissusaa, pinerlunnerup sivisussusaa aammalu assit filmillu tulleriat ataatsimut katinneri kiisalu nalunaarsusersuisimaneq nunatta eqqartuussisuuneqarfiata pingaartissimavai. Unnerluutigineqartoq assinik 70.449-nik peqarsimavoq, taakkunannga 395-it nalunaarsuut 3-iillutik 8.734-illu nalunaarsuut 2-iillutik kiisalu filmit tulleriaat 3.217-iullutik, taakkunannga 95-it nalunaarsuut 3-iillutik 2.127-illu nalunaarsuut 2-miillugik. 9,30 gigabytenik aamma 9,77 gigabytenik imallit, unnerluutigineqartup internet-imi atuisunit allanit iserfigineqarsinnaasunngortissimavai.

Piffissaq suliap suliarineqarneranut atorneqartoq nunatta eqqartuussisuuneqarfiata eqqartu-ussisoqarfik assigalugu, pineqaatissiisummik sakkukillisaanissaq pingaartissimavaa, tas-sunga ilanngullugu misissuinerup naammassineraniit ukioq ataaseq qaammatillu tallimat aatsaat qaangiummata eqqartuussisoqarfimmut suliassap saqqummiunneqarsimanera, kiisalu unnerluutigineqartup ukiui peqqissusaalu, taamaattorli suliap pissusaa annertussusaalu pis-sutigalugit pineqaatissiisut pinerloqqinngikkaanni aatsaat maannassineqartussaatinneqas-sanngitsoq.

T A A M A T T U M I K E Q Q O R T U U T I N N E Q A R P O Q :

Eqqartuussisoqarfik Sermersuup 26. oktober 2017 eqqartuussutaa atuuttussanngortinne-qarpoq.

Suliassami aningaasartuutit naalagaaffiup karsianit akilerneqassapput, tak. eqqartuussisar-nernik inatsimmi § 480, imm. 1.

Anne-Marie Boysen